

की १८०



१०६६ ○



गुं पुन्हिया देछा

व सुखः ? श्री कृष्ण अणु-वय्कः लिसे छन्ह  
खेला बला यानां-खयालः या न्ह्यसः खयालं लिस : बल-  
अले नैपाल भाषाया अदालतय् - संसारया सृष्टि छगु  
न्हूगु थिसिस व थिकेगु अनुभव ज्वनाः -- जि पाकः  
मिसाया भाःत-शाथरी हालाः खं छता न्यने थःसा  
मरि छपा चुँइ-थथे नं जुइ तिति अथे नं जुइ तिति  
धयां मस्त जिमिगु माग पुरा जुइमा धकाः हाला हल

मूः—छतका





नेपाल भाषाया  
लयपौ

नेपाल सम्बत १०९९ गुंला

द : २२/४

अंशल्या: : १८०

संरक्षक : चित्तधर 'हृदय'

सम्पादक : विष्णु चित्रकार

व्यवस्थापक : भूषणप्रसाद श्रेष्ठ

प्रकाशक : पद्मरत्न तुलाधर

ज्यास: : ९/१०९ असं, वालकुमारी, ये

330P

## शायरी

१. थौं कल्य भाइ की  
कमय याये थाकु

कलाचित हृयेके ला

कन हे थाकु

अयां छु याये की मिजत

कीतलां चिति स्वयाः

कलाया सतिता हे थाकु ।

२.

बंवाया लिबात कि

बं पुलेमाः

मछाः त्वपुइत लं पुनेमाः

लायक बेलायक वयनेतः

ज्यां मखु थन खं वयनेमाः

जि हे मज्जुसा छु यायेज्जु

छि नं जि नं तं वयनेमाः ।

बहनी जुलकि

ह्याम्हस्यां ह्याः बये यः

म्यपिस्त ह्याकं न

सिक्क हे त्यः वये यः

ह्याय्मह जुल कि कन

मिस्तसे हे मिजं ह्यः वये यः ।



# श्रीकृष्ण 'अणु' लिसे छन्हु

## खँलाबला

न्हसः

भो - नेपालभाषाया ख्यालः साहित्य ब्वलंकैगुली छि यानादीगु योगदान तसकं च्छायेबहुःजू । धयादिसँ श्व ख्यालःया ख्यलय् छि गुबलय्, गुकथं गनं दुहां भाया ?

लिसः

श्रीकृष्ण 'अणु' - जिगु योगदान च्छाये बहुःजू वा मजू, जि छुं मसू । जिला थुलि हे जक स्पू; धात्यू जि साहित्य हे जक ब्वलंका च्वंगु खःसा, जि नं मचायेक मनु वयंकैगु बल्सि तैच्वंगु दु । जि स्वये-भोगु श्व नेपाः छगुलि हे ख्यालःया ख्यः खः । थुगु ल्याखं धायेगु खःसा जि श्व ख्यालःया ख्यलय् जिमि मांया प्वाथं पिहां वयाखतं छिबिप सकलें गुबलं भाइगु खः उखतं वयाहा जुल । मखु छिगु न्ह्यसलं ख्यालःया साहित्यपाखे मिखाभाय् याःगु खःसा-थनि नीदँह्यः ख्यालःया छह्य पात्रया ल्याखं बिद्यार्थीया लुखां पिलुयाहा जुल ।

-छि ख्यालः च्वया दीगुजक मखु, ख्यालः च्वया दीगु दु, स्यना दीगु दु, ह्यिता नं दीगु दु, स्वया नं दीगु दु । श्व प्यताय् छितः जूगु अनुभव न्यने दःसा ज्यू ।

— पक्का खः-जि ख्यालः च्वया, ख्यालः वयना, ख्यालः ह्यिता, ख्यालः स्वया । जि ख्यालः च्वये धुनीबलय् ख्यालः स्यने नं धुनी, ख्यालः ह्यिते नं धुनी, ख्यालः स्वये नं धुनी । उकि श्व प्यताय् जितः थो थो प्यतां तुं अनुभव मजू । छता हे जक जू । व छु धाःसः-यक्व यक्व पासा-पिसं साहुं ल्यू थें मल्यूगु जूसा न जि ख्यालः च्वये फइ

न वयने दइ, न ह्यिते ननी न स्वये हे खनी ।

- हालय् तंदुपि नेपाली जनतां आन्दोलन यानाः जनमत संग्रहया घोषणा याये माःगु धइगु खँ दु । नेपाली जनतां व तं छिगु बैकय् त्याये काःगु खःसा छितः राजकाज अप-राध ऐन कथंया कडा सजाय जुइफु । श्व खँय् छिगु छु धायेगु दु ?

— धात्यू तंदुपि नेपाली जनतां थःगुतमं थःततं स्वाये-चुइकेया पल्सा थुगिसइ पञ्चायती व्यवस्थायात ल्वापा नकूगु दु । तर श्व तंकालि जनतां थःगु तं श्याक्क थासय् लाक्क हे प्वकैखंगु जूसा जनमत संग्रहया घोषणा याये फइगु मखु जुइ बरु मेगु हे जुइगु जुइ । थुकि सीदु नेपाली जनतां व तं पक्का नं जिगु 'तं बैक' य हे त्यासा काःगु खः । छाय् कि तं पाकय् जुइ धकाः ग्याःपि कय्ता थातय् मलाःपि नेतात हे श्व 'तं बैक' या डाइरेक्टर जुयाच्वन । इम्सं तं त्याये मबिल जक मखु ज-ताया हिनुली न्ह्याना च्वंगु तं तकं 'तं बैक' या सेफय् ध्वगिकेगु कुतः यात । उकि जितः ला छुं जुइगु भय् मरु छि धन्दा कया दियेमते व डाइरेक्टर नेतातय् छुं जुइ फुसां राजकाज अपराधया सजाय मखु, दक्षिण बाहुया तक्का लाये फु ।

- ख्यालः च्वइपिसं न्ह्यागु खँयात नं ख्यालःयात मसला कथं बिचाःयायेफु । छि जनमत संग्रहया घोषणायात गुकथं बिचाः याना दिया ?

— न्ह्यागु खँयात नं ख्यालःया मसलाकथं जक बिचाः यात धाःसा ख्यालः- च्वःमि सकलें मसला न्वःपि जक जू वनी । उकि जनमत संग्रहया घोषणायात मसला कथं जक काये जी मखु । थुकियात ख्यालःया तिकमावसकथं काये माली । छाय्धाःसा यक्व शताब्दिनिलें तग्बःखारी देखुना तयाः, मबुयाः नये मखना च्वंगु संकागु नसा पाख वंक बुइ धकाः ग्यानाः संकाः नसा कचं वकैत हे काचाक्क



ख्यालः या जन्तुफासं मेगु छगू ख्यालः- 'जनमत संग्रह' धकाः वःगु दु ।

- जनमत संग्रहया घोषणा ला जुल तर थ्व जुइगु हे खःला मखुला धइगु भ्रम जुइ धुंकूगु नं खने दु । थ्व "खःला मखुला" या त्वय् ह्यापां जुइका दीहा कथं छि थुकिया वासः गुकथं यायेगु बिचाः याना दिया ?

◆थौतक जूगु गुगुं नं घोषणा तालयलाःगु मदुनि । उकिं जनमत संग्रह जुइगु नं 'खःला मखुला' धइगु भ्रम जुलं सुयां जाप्यय् क्वां मवनीगु मदु । छि नं जा छ-प्यय् सां सवाः कयाः भपिया दिसें । थ्व 'खःला मखुला' या त्वय् नेपालय् जक मखु विश्वव्याप्त खः । ह्याय् भूयूपिनिसें स्वाय् भूयूपि थ्यंक, कयता हुलिहुलिपिनिसें तिन्खाः कयतां चीपि थ्यंक, बाउचानिसें भाजु थ्यंक व्याःगु त्वय् थ्व खः । थ्वैत वासःजक यायेगु खःसा ला थी थी मनूत-य्गु थ्व त्वयया ह्याः-प्वाः ह्याय् स्वाय्, सँ-खँ, मिखा-साखां प्ये-छप्ये, स्वयाः विभिन्न रंग रूपया प्रजातान्त्रिक वासः यायेफु । तर त्वय् लनी मखु इलिइलि फिलिफिल लिथ्वइ । त्वय्या हां ध्यना छ्यय्त जन क्रान्तिया अपरेसन मयासे सगाः । वासलं जक जी धाय्गु त्वय् प्वः घात्राः स्याःमचाःगु वासः नयाः छभाः वास्यां हिलेगु जक खः ।

-मुक्क ख्यालः साहित्यया जक विकास यायेगु खँ न्ह्याःने तयाः बिचाः याये माःसा छि पंचायत व्यवस्था व बहुदलीय व्यवस्था निताय् छता गुगु ल्यया दी ?

◆निताय् छता जक मखु, निताय् नितान्तां पालंपाः छता छता यानाः ल्ययेमाः । छाय्धाःसा उखुनु तक पंचायत व्यवस्थाया ज्यान प्राणत थौं बहुदलीय धकाः गःपः तःपुक हाःगुनं ख्यालः साहित्यया विकास जूगुया चिं खः । अथेनु बहुदलीय व्यवस्थाया ज्यान प्राणत थौं हानं पंचायत व्यवस्थायात हंस थं जूगुला भन ख्यालः साहित्यय् ज्वः हे

मदुगु विकास जूगु खः । उकिं ख्यालः साहित्यय् विकासया गति पाः मयायेत निताय् नितान्तां ल्ययेमाः ।

-राजनीति पिने वयाः दकलय् न्ह्यःपुगु संसार लभ माने मतिनाया संसार दु, थ्व संसारय् दुहां वक्व मनुखं पिनेया दुःखायात त्वःमंकेगु कुतः याःगु दु । थ्व कुतलय् ताःमलायेव इमिसं थाःगु पलाः रानीपुखूपाखे न्ह्याकीगु, दार्शनिक (वेय् उई) जुइत स्वइगु, साहित्यकार (विशेष कवि) जुइत स्वइगु । संसारया दकलय् अक्वः मनूतय् थुकथंया दशा फाला वंकेत छि गुकथंया संसार दयेकेगु कल्पना याना दियागु दु ?

◆मतिनाया संसारय् दुहां ववं मतिना हे ह्व ह्व गनेव पानय् बान तियाः थाय् थासय् लभ ब्वयाः नं लुमदंपि अगस्तित थ्व संसारय् यक्व दु । थथे लभय् स्थीपि मनूत मरु मरु दर्शन माः जुइ, कल्पनाया महलत वं जुइ । थुमिगु दशा फाला वंकेगु ठेक्का कया च्वंपिसं थुमित 'शान्ति' 'मोक्ष' या चुम्बकं सालाः कल्पनाया शिशमहलय् सीहा ला स्वाःह्याला धाये मछिक दथुया अवस्थाय् तंतःगु दु । उकिं छि जि थिमिगु दशा फाला वंकेत थुगुं संसारया कल्पना धाये माःगु मखना बरु सज्यान्ति वुगु संसारय् लिं हयाः मनूया नामय् द.ा च्वंगु हाकः हुये माःगु दु ।

-आणविक शस्त्रास्त्रय् प्रतिवन्ध तयेत विश्वव्यापी आन्दोलन ताःलायेवं छिगु नांया ल्यूने घानाच्वंगु 'अणु' नं शायद छि छ्यले मदयेफु । उबनय् छि छु याना दी ?

◆अवश्य खः-आन्दोलन जुया च्वंगु दु, तर भ्वेतय् भ्वेतय् जक । आणविक शस्त्रास्त्रय् प्रतिवन्ध तयेत सना-जूपि स्वयम हे आणविक शस्त्रास्त्रया बोगिसत व दैद्यत खः । थाःगु आगं मुचुकाः ककिया आगं वक्थाया क्वय् प्वाः ह्वत स्वः जूपि थुपि आगंखुंत खः । उकिं थ्व आन्दोलन ताःलाइ धकाः छि ह्मसया ह्मसय् खंकेगु नं छुं सन्धि



या:गुलि धुतसे आ: ला नै मखुत धायेगु जक ख: । बर जिगु नाया ल्यूने घानाचवंगु 'अणु' छित: त्व: वना: जक थये धयादियागु ला मखुला ? त्व: वनापुसे च्वंसा छि नं छयला दिसं, पासापिन्त नं छययेका दिसं । छायाकि प्रत्येक मनू छकू 'अणु' जक ख: ।

—मनूया जीवनय् गुगुं नं घटना सिलसिला मिलय् याये मानि धका: पिया मच्चं । उकिं जिमिसं नं सिलसिलाया खं छखे तया: न्यनाचवना — छिकपिनि क्वथाया जीवनय् छिगु ख्याल:या गुलित प्रभाव ला:गु दु, छि छायेका दियागु कुला ?

—छि जीवनया घटनात छसीकथं वमखु धे दिल । तर ह्याय् तपुपि, म्ये निपुपि, मिखा हिलोपि, म्हुतु पिचुपि, नुग: वंचूपि भी नयेता वा नेता धा:पिसं धा:सा जनमत सिमधयेक पित्या:सां नये धाये मतेनि, स्या:सां आय्या धाये मतेनि, आसेनि घाल । तर जि स्वये-जीवनया घटनात सिलसिला महनीगु ख:सां थला:क्वल: साथं वंके धुनेव थुकथंया कथं महंगु जीवन स्वानाचवने माली मखु । छि क्वथाया जीवनया खं न्यना: जिमिगु आगं खं ल्हूकेत स्वया दिल । क्वथाया जीवन याक:चियागु यक:तिगु मखु उकिं जिमि वंके ग्याग्यां न्यना—छु धया व्छय माली थें ? धैव्छ-या दिसं रे ख:ख:गु । छु ग्याना चवने मा:गु दुला धायेव तिति वंगु हे सासलं जि थौं चि मन्त सिमन्त धा:सां ख:ला मखुला याना दीह्म छि जित: छु ल्या:चा: याना: जीवन बिके त्यना ? तं कथं कथं न्ह्याक्व तं कथंसां नं फुक्क बैक्य तया: तं हे पचेयाना नैह्म छित: गुलि 'तांति ग्व:जा' याये । उलि धायेवं जि चाल-जिमि क्वथाया जीवनय् जिगु ख्याल:या प्रभाव मला:सा जीवनय् फाकुगु हल्वावेत जुइ । अथे हे ख्यालकय् क्वथा जीवनया प्रभाव मला:सा ख्याल: बर्षाया क्वा:ल: जुइ ।

—छि ख्याल: हे छाया चवया दियागु ? छि ख्याल: चवया दीमते छन्हु छित: वारन्ट वयेफु । थुकिया लिस: ?


—बाखनं, चिनाखं ची मफुपि जन्दु जन्दु जन्तुतय्त थव ख्यालकं अ:पुक चिना तयेफुगु गुण दया: हे जि ख्याल: चवयागु ख: । ख्याल: चवये मफया: छु त्व:तये छु त्व:तये जुयाच्वंह्म जित: छि 'ख्याल: चवया दीमते' धा:गु छिगु खं नुग: हे सिचुका बिल, छित: धन्यवाद । आवलि ख्याल: चवये मखुत । तर च्वलकि वारेन्ट वये फु धका: ख्याचव: विया छुगुलि वारेन्ट वंगु ख:साला मच्चसे मजिल । छायाकि जनताया ग्वाचं व आरसां करेन्ट पिहां वयेकेत 'वारेन्ट' मदयेक मगा: ।

—छि श्रीकृष्णयात बांलाक हामस्पूपिसं छित: मदनकृष्णया दाजु धका: ह्यसीकाचवंगु दु । उज्व:पिन्त छिगु परिचय बिया बी द:सा ज्यू ।

—जित: मदनकृष्णया दाजु जक मखु भाजु हे धा:सां जि तंचायेथाय् महु । छायाकि थव खं ह्यमस्पूपिन्सं धा:गु ख: । धाथेंला श्रीकृष्ण व मदनकृष्ण दाजु किजा हे ख:—छगू हे क्षेत्रया सद्दे दाजु किजा । तर छखा छेंया दाजु किजाया खं मिलय् मजुया: गह्म: मिलय् मजूपि थें व्यागलं चवने मालाचवन, थुकी जित: तसकं नुग: च्यतु । जित: ह्य मस्पूपिन्त धैबिया दिसं—श्रीकृष्ण मात्र श्रीकृष्ण ख: । थुली लुमदंपिन्त छगू परिचय गोठि न्यायेके तयंगु खं नं कना बिया दिसं ।

—लिसें छिगु शिक्षा दिक्षा, लजगा: लगानी, आय व्यय, लक्ष उद्देश्य नीति विचार, दर्शन सिद्धान्त, योजना आयोजना वारे संक्षेपं कना दीसा छिगु ख्याल: स्वर्द्धपि व ब्वमिपिन्त ख्याल: बांलाक थुइकेत ग्वहालि जुइ ताया । थुकी छि कना दीगु खं 'अतिगोप्य तयेमा:सा अथे तयेत जिमिसं बचं बीफु ।





भाजु श्रीकृष्ण 'अणु'

◀ छिगु न्ह्यसः ताहाये ताहा, उकिं लिसः चीहाके ।  
ख्यालः स्वईपि व त्वनीपिन्त ख्यालः बांलाक थुइकेबीत  
'ख्याल' कं हे ग्वहालि जुइगु ताया । थ्व हे खँ 'अतिगोप्य'  
तया विसँ ।

—छहा मनू नये मखनाः त्वगि जुयाः, वासः याये मफयाः  
तच्चः जुयाः सीत्यंबलय प्राण त्वःते न्ह्यः छकः इतिइति  
ह्लि हँ । वयाके छाया ह्लिलागु धकाः न्यनं "श्रीकृष्ण  
अणुया ख्यालः स्वयागु लुमंसे वया ह्लिलागु" धकाः धाल  
हँ । थ्व खँ खइला ? खःसा छिगु गुगु ख्यालः लुमंकाः  
व न्ह्यगु जुइ ? व न्ह्यगुली छि लुदंला ?

◀ 'हँ' 'हँ' या खँ खइ वा मखइ जितः धाये थाकुल ।  
खःसा व मनुखं इलय हे बुद्धि चायेकाः ह्लिउगु खत ।  
छायाःसा स्वानाज्वःछि ह्लिले त्वःमनाच्चंगु भ्रंसंग लुमंकाः  
प्राण त्वःते न्ह्यः छकः इतिइति मह्लिउगु जूसा  
ह्लिलाया अनुभव हे मदंगु । उकिं वय्कः न्ह्यगुली जि  
तसकं लुदं । त्यं वनि जिगु ख्यालः स्वयागु लुमनाः ह्लि-  
उगु खँ थ्व खँ नँ मखइ धकाः धाये थाकु । मनूत अव-

भूतपिं दु । गुम्हं ख्यालः स्वये मलावं ह्लिलीपिं, गुम्हं  
ख्यालः स्वस्वं ह्लिलीपिं, गुम्हं ख्यालः स्वयाः त्याहां ववं  
ह्लिलीपिं, गुम्हं हानं छेँ थ्यंकाः कलातं ख्यालः गय्चवं धकाः  
न्यनकितिनि ह्लिलीपिं । उकी मध्ये वय्कः छहा ख्यालः  
स्वयाः नं ह्लिले त्वःमनाच्चंगु वा ह्लिलेत फुसंत मदया  
चंगु जुइमाः । अले प्राण त्वःते न्ह्यः छक्कलं ह्लिले माःगुलि  
यानाः वय्कः छगू हे जक ख्यालः लुमंकाः न्ह्यगु अवश्य नं  
खइ मखु । बर निगू प्यंगू ख्यालःया टुका टाकात छकलं  
लुमंकाः ह्लिउगु जुइमाः ।

—भोगु भाषाय् ख्यालः साहित्यया विकासया निनिं छिगु  
छुं सुभाव दुला थें ?

◀ ख्यालः साहित्यया विकास यायेत स्वकुमि भाजु  
मय्जुपिन्त ध्यवा धाक्व धाक्व इनाः क्यनेगु यायेमाः ।  
ख्यालः च्वैपिं, ख्यालःया दबू स्वैपिसं छेँ बुँ मियाः ख्यालः  
यात माःगु खर्च यायेमाः । थ्व थथे जुल धाःसा ख्यालःया  
विकासय् रकेटया गति वँ । ख्यालः विकासया सीमा  
प्यनी । अज्ज तच्चःगु विकास यायेगु खःसाला थौं कन्हैया  
बरिष्ट नेता धाःपिन्त नं ख्यालःया पात्र यायेमाः ।

—छि मेपिनिगु ख्यालःयात गुकथं स्वया दिया ? मेपिं  
मध्ये सुया गुगु ख्यालः छितः दकय् बांलाः ताल ?

◀ गुगुं नं ख्यालःयात छहा साधारणह्य स्वकुमि बा  
स्वमि जुयाः वुगयेक स्वयेगु जिगु बानि खः । बांलाःसां  
बांमलाःसां ख्यालः पूर्वक स्वयेगु जिके धैर्यं दु । जि स्वयागु  
ख्यालकय् रामशेखरया 'अस्पतालया जा' दकलय् बांलाः  
ताल ।

—ह्लीकेत, न्ह्याइपुकेत जक ख्यालः मखु धाइ । थ्व खँय्  
छिगु छु बिचाः दु ? छिगु ख्यालः स्वयाः सुं ह्लिला मबिल  
धाःसा छितः छु असर लाइ ?



( ४ पेजया ल्यं )

नेपाल भाषाया अदालत

## ‘नेवारी’ धाःगुया विरूध्द

### जूगु मुद्दाया रिपोर्ट

◆ ह्रीकेत व न्ह्याइपुकेत जक ख्यालः मखु, निश्चय नं मखु । ह्रीकेगु न्ह्याइपुकेगुया नाप नापं ह्रीला ह्रीलाः तं चये बीगु छतांवेस दयेमाः । जिगु ख्यालः स्वयाः सुं महिली धंगुला जितः शंका मरु । बरु सुं ह्रीला मबिल धाःसां व ख्यालः स्वये धुंका लँय ववं ह्रीलीह वा छेँ थ्यंकाः कलातं न्यंकाः तिन ह्रीलीह वा प्राण त्वःते त्ययेकाः तिन ह्रीलीह जुइ धकाः जि बिचाः याये । धात्थे ह्री हे महिल धाःसा वं जिगु ख्यालः स्वयाच्वंगु मखसे मेगु हे ख्यालः मखुगु छुं स्वयाच्वंगु जुइमाः ।

—“भी” या व्वमिपिन्त छिगु मधासे मगाःगु छुं खँ दुसा घया दीसा ज्यू, जिमिसं थ्यंका बी ।

◆ ‘भी’ या व्वमिपिन्त ‘भी’ पत्रिका इलय् ब्यलय् मथ्यंगु ‘भी’ या व्वमिपिन्त दथ्वी हुइना बुइना दु । उकिं छि जिगु खँ ‘भी’ या व्वमिपिन्थाय् थ्यंका बिइगु खँय् जि पत्याः मजुया । अयेनं छि ‘भी’ पत्रिका थियाः पाः फयेका दीगु खःसा छता खँ नायखि च्वयका बिया दिसँ — ‘की या व्वमि भाजु मयजुपि ! थ्व थ्व थ्व भीया व्यवस्थापक गुह्यस्यां भीया ग्राहक ल्हापं तकं इलय इलय काः मवः व्वमि भाजु मयजुपिन्त साहुं कयंका च्वंगुली सर्वोच्च अदालतय् नालीस तया दिसँ ।’

भाजु सूर्यबहादुर पिवाःया

‘बुन्हिम्ह ल्यासे’

गुंपुह्रिया न्ह्याइपुगु लसताय्

पिहां काःगु दु

ह्र्यमो पांयमो देना तयाः

स्वया दिसँ

स्वः कायेगु थाय्

ह्रःपा गुथि; असं, ये ।

न्यायाधीश— माणिकलालजु छि वंगु श्रावण १६ गते बुधवार खनु तिनख्यःया चकं दबुली नेपाल भाषायात ‘नेवारि’ घयादिल । छितः मां भाय्या द्रोही कथं छाया सजाय याये मज्यूगु ?

अभियुक्त— जि नेपाल भाषायात नेवारि घयागु खः । तर म्हुतुं न्ह्यागु धाःसां जि लेख च्वयाबलय् न्ह्याबले न्ह्याथासं नेपाल भाषा हे च्वया बयागु दु । उकिं जि “नेपाल भाषा” हे धायेमाः धइगु सिद्धान्तयात त्वःतागु मखु । उबलय् तिनख्यःया विशेष स्थितियात ध्यानय् तयाः जक जि ‘नेवारि’ घयागु खः, वास्तवय् उकिया अर्थ नेपाल भाषा हे खः छायाःसां महीपिसं नेपाल भाषायात हे ‘नेवारी’ धाइगु खः । उकिं जितः थ्व खँय् कारवाइ मजूसी ज्यू ।

न्यायाधीश— प्रेमबहादुरजु छि उगु सभाय् नेपाल भाषायात नेवारि धायेकाः छु स्वया च्वना दिया ?

प्रेमबहादुर— उकिया विरोधय् जि उगु सभा व्वचाये साथं हे सभापतिया पदं राजीनामा बिया वयागु दु ।

न्यायाधीश— दुर्गालालजु, छि नं उगु सभाय् उपस्थित जुयादीगु थन रेकर्ड दु, छि छाया दनाः विरोध याना मदिवागु ?

दुर्गालाल— जि विरोध जक मखु, तुगलं तुगलं विद्रोह तकं यानागु दु । तर उकियात सुनानं खंका मज्यूगु जक खः ।

न्यायाधीश— पक्षरत्नजु, छि उगु आमसभाया रिपोर्ट ताहाकयेक यानादीगु दु तर माणिकलालजु नेपाल



भाषायात 'नेवारी' धाःगु खँया रिपोर्ट जनतायात व्युगु मडु, उकिया विरोधय् सम्पादकिय चवया दीगु नं मडु ।

पञ्चरत्न- जि उकिया विरोधय् व्छया हःगु "सम्पाद-  
कयात पौ" गथे वल अथे हे पिकिया बियागु दु ।

न्यायाधीश- नातिबज्र, छि नं उगु आमसभाय् दी  
ला ?

नातिबज्र- दी ।

न्यायाधीश- छि छु स्वया चवना दियालय् ?

नातिबज्र- जि ला ? जि माणिक दाइया म्हुनुइ  
स्वालां स्वया चवना ।

न्यायाधीश- छि छाया छसः हे विरोधया सः तया  
मदियागुलय् ?

नातिबज्र- विरोध यायेत म्हुनु उलिउलि ला संगु  
खः तर उबलय् छु जू छु जू सः हे थाहां मवल धर्णा ।  
लिपा विरोध याये तिनि जि ।

न्यायाधीश- फक्तेबहादुरजु, मेपिसं विरोध मयाःसां  
छि ला विरोध याये माःनि ।

फक्तेबहादुर- जि गथे विरोध यायेगु ? जि ला  
विरोध हे याये मछि । हानं जि जंक्व त्यये धुकूह, विरोध  
ला श्व त्याय्हातसें धकाः याये माःगु ।

न्यायाधीश- मदनकृष्णजु, छि अन छु याना चवना  
दियालय् उबलय् ?

मदनकृष्ण- जितः ला नेवारि धायेसाथं हे पार्लिनिसें  
तें पिहां वल । तर उबलय् पार्लि चुया चवनागु मजुसे प्यनं  
पयतुना चवनागु जूगुलि तं दना वये मफुत । हानं हापु  
चूलाकेगु ज्या नं दनिगु सुम्क चिमालय् वना व्छया ।

न्यायाधीश- भृगुरामजी, छि लय् छि, म्ये हाली  
बलय् धाःसा ततःसलं हालेसः उबलय् हाले मसःगुला  
गय् ?

भृगुराम- मसः छिगु । लय् सूर व ताल मदयेकं छुं

हे हाले मसः छिगु । दुर्गालाल म्ये चवलकि हाले नि, हालेगु  
नापं गन वनी ।

न्यायाधीश- रोहिणीबहादुर कायष्ठजु, छि नं दोषी  
खः, छितः नं सजाय जुइ ।

रोहिणीबहादुर- जितः छाया सजाय, यलय् जूगु  
आमसभाला मखुनि व, येय् जूगु आमसभाय् न्हागु  
हे जूसां जितः छु मतलब । जि सजाय काइ मखु ।

न्यायाधीश- नेपाल भाषा नेपाल भाषा हाला जूह  
छह छि नं ला खः नि, छितः नं श्व मुदाय् सरासर सजाय  
जुइ ।

रोहिणीबहादुर- अहं जि श्व खँय् सजाय फइ हे  
मखु । जि धाये धुनकि धाये धुन का । नेपाल भाषाया  
सेवा नं यायेगु हानं सजाय नं फयेगु ? गुज्वःगु न्याय श्वः ।  
श्व जुइ हे फइ मखु । येय् जूगु सभाय् न्हाह्यस्यां न्हागु  
हे धारे, जिला यलय् वने त्यल ।

न्यायाधीश- अय्सा छि येय् गुबल्ले हे दुहां वये दइ  
मखु । वागमती तां पुलाः थुले पलाः हे तये दइ मखु ।  
येय् वये हे दइमखु ।

रोहिणीबहादुर- वये दइ मखुसा दइ मखुका । मांज्वः  
वये जि नं । जि धालकि धालका ।

न्यायाधीश- रमापतिराज मर्शा !

रमापतिराज- हजूर, जि यन बिज्याना ।

न्यायाधीश- छिगु छुं धायेगु दु लाकि ?

रमापति- माःछि माःछि धायेगु दः । थुकी जिगु नं  
विरोध दः ।

न्यायाधीश- छिगु विरोध गन दु ?

रमापति- जिगु तुगः चुइ दः, जिगु ह्यसपताय् दः,  
जिगु मिखाय् दः, जिगु ह्यासय्, ह्यायपनय् फुकमनं माःछि  
माःछि दः ।



मचाख्यालः

## जिमिगु माग पुरा जुइमा

चवःह्यः सु तुलाधर ?

थाय् छगू त्वाःया छगू दबू ।

ई : तिहिनय्

धर्कि उलेवं- फिनिदं नित्सें फिन्यादें तक दुपि छपुचः  
मस्त ह्यिताचवनी । उकी मध्ये दकय् तःधिकःह्य मचां  
सकसितं सःताः थःपाखे ध्यान साला काइ ।

राम- थन स्व थन स्व थन स्व । जिके खंला ई  
(फुक मस्त वनाः ह्यारर स्वः वनी )

हरि- उं बेलून का आम । जिमिथाय् छेय् नं दु ।

शंकर- खः खः जिमिथाय् छेय् नं दु । आम पुइमज्यूगु  
बेलून छु यायेत ?

हरि- क, छाय् पुइमज्यू थ्व, फन पुइ ज्यू, गपाय् ग्वः  
जुइ स्थूला थ्व ! (ह्याः भाय् यानाः) यां थपाय् ग्वः  
जुइका थ्व पुइबलय् ।

शंकर- बाजी तयेका, पुइमज्यू का आम ।

हरि- का बाजी तलका, गुलि गुलि बाजी ?

शंकर- धाक्व धाक्व बाजी । जिमि मां नं ला पुइ  
मज्यू धकाः न्ह्याबले लाका काइगु । मेगु बेलून न्यानाः  
पूहे धकाः ध्यबा बी गु ।

कृष्ण- खः धयां जिमि बाः नं नं पुइ मज्यू धकाः

न्यायाधीश- छि उकियात छाय् पिकया मदियागु लय् ।

रमापति- ह्य ह्यछि हे दसेलि जि उकियात हानं  
स्ये स्वें ल्ह्याः पिकया चवने माःगु मदः । हानं जि  
उबलय् तिनिखलय् द नं मदः ।

न्यायाधीश- अय्सा छि थन वयात नं बी मदु । छि  
खप थ्यं कयेमानि फासं ।

रमापति- जि थ्व मुद्दाया फंसला न्यनेत माःरि माःरि

व्वः बियाः लाका काइगु धयां ।

हरि- जि ग्वःकः ला पुया स्वये धुन । जिमि मांपिसं  
मखंक पुयाचवनेगु जि ला !

वसन्त- गन न्यायेगु दु आमज्यःगु बेलून । जि गनं नं  
मियातःगु मखं । आः ध्यबा लुल कि जि नं आमज्यःगु  
बेलून छगः न्याये मास्ति वः ।

हरि- गनं नं न्यायेगु दइमखु । जिमिथाय् ला  
न्ह्याबले थवथाय् जक लुया वइगु ।

राजेन्द्र- छकः पुया स्वःसा । गपाय् ग्वः जू छकः  
स्वये ।

हरि- सय् जि पुया बी ।

राम- म्वाःल म्वाःल, जि हे पुया वयने । (पुइत्यनी  
बलय् त्वाःया छह्य तःधिकः ह्य मनुखें खनी )

बाबुराजा- बदमासत, म्वाःमदुगु सनाचवनी । हचि,  
गन कया हयागु आम (लाका काइ) हें बिसि हें । स्कूलय्  
भाखः व्वं वने म्वाः... बदमासत । आः हानं छकः हचि,  
थुज्वःगु छिमिगु ह्याः त्वाथला बी । (वनी) (पलख  
लिपा)

राम- थ्व बाउराः दाइचां कीत न्ह्याबले ह्या जक

उत्सुक ।

न्यायाधीश- थुकिया फंसला कल्लय् हे जुइ । कल्लय्  
फासं ।

रमापति- कल्लय् ला सापारु, सायाः व्हइपिन्थाय्  
पूजा वने माः जि ।

न्यायाधीश- अय्सां कल्लय् हे जुइ । फंसला न्यने  
यःसा पूजा त्वःताः सां फासं ।



ख्याइगु । की फुक जाना: दाये मफइला वइत । करपिनिगु  
बेलून लाका कया: वया काय्यात बी यंकीगु जुइका ।

कृष्ण- बाउरा: दाइचिया काय्ला मद । वं हे पुइगु  
जुइका ।

हरि- जि पुया बी धयां मज्यू । जिके जूसा वं लाका  
हे काये फइ मखु । वं न्हाये मवयेक बिसि वना बी की  
जि ।

जनक-जिगु तास छजु नं लाका का:गु दु वं किर्का  
वंगु तास । उखुनु स्वन्तिबल्य चुक्य ह्मिताचवंगु वहे तास  
ला ख:नि । अमेरिकन तास व ।

धर्मेन्द्र- उखुनु जिपि निहा (खला कान्छा) खोपि  
ह्मिता चवनाबल्य नं ध्यबा फुकं लाका यंकूगु । स्वमोलं  
मयाक दु ।

कृष्ण- जिगु चुरोट हे ग्व:पु लाका काये धुंकल वं ।  
हत मस्तसें नं चुरोट त्वने ज्यू ला धका: लाका कया: थह्यं  
का त्वंगु ।

हरि- लूता: द्वं लुता: द्वं व । थव त्वाल्य व छह्य  
दतले की छुं हे याये दइ मखु ।

शंकर- त्वा: यार्पि फुकयसित ध्याना त:गु दुनि वं ।

कृष्ण- न्हाबले त्वाल्य दु व हानं । जागीर जिगिर  
न: वने म्वा:, अले छुं ज्या मन्त की मस्तयगु लुट्य या:  
वल का छु । न्हागुं सितिकं ला: का वंत ।

राम- वया गुबले तरकारी हे न्याये माली मखु छु ।  
ज्यापुतये लाका हइगु ला ख:नि । थन छाय पस: तइगु  
घालकि ला ज्यापुतसे तरकारीयागु ध्यबा हचि हे धाये  
छाली मखु ।

जनक- वया ब्याहा या:गु हे सितिकं ब्याहा या:गु ।  
छिच्छा: नं खवं मया: । वं सुया कला: मस्यु उरय याता  
ह:गु हं ।

राम- आ: ब्याहा हे सितिकं लाकूहेस्यां मेगु छु

सितिकं मलाकी । जिमि बा:या ब्याहा: या:बल्य न्येदो  
दां ला भव्य नकेत जक खचं जूगु हं । लंस्व: वंपि हे  
ह्ल्यस:त्या दु हं ।

जनक- हं हं, छं खंगु ख:ला ।

राम- छं स्यूला । जि नं लंस्व: वना यंकागु धा:गु  
स्यूला जिमि बा:नं ।

कृष्ण- अबुया ब्याहा बल्य ला लं स्व: वनीह्य का,  
अयसा छिमि ब:या काय हे मखुका छु ।

राम- जिमि बा:या काय मखुसा छिमि बा:या काय  
ला ल्य जि । करपिनि ब्याहा: बल्य ला लंस्व: वनी, थ:गु  
अबुया ब्याहाबल्य लंस्व: मवनीला ।

कृष्ण- छे छे अबुया ब्या: बल्य ला लंस्व: वनीह्य ।

राम- छु वने मज्यू धका: चवनागु ला ।

कृष्ण- मज्यू ।

राम- छाय मज्यू ।

कृष्ण- मज्यू का ।

धर्मेन्द्र- जि ला वनेगु भाइ । अबुया ब्या: बल्य हे  
लंस्व: मवसा सुया ब्या: बल्य लं स्व: वनेगु ल्य !

हरि- धर्मेन्द्रचां धा:गु नं ख:गु खं । थ:हे सहे अबुया  
ब्या: बल्य नं कायपि मथ्या: धइगु दइला । लंस्व: नं वने  
दयेमा: भव्य न नये दयेमा: ।

जनक- मालां छु याये । गवसा कीत आ:तक अबुया  
ब्याहा हे सीके ब्यूगु मखु । की अबुपिसं न्हाबले कीसं  
मसीक ब्याहा याइगु । छं स्यूला छिमि अबुया ब्याहा  
या:गु ?

हरि- मस्यु ।

जनक- (छह्य छह्येसित) छं स्यू ला, छं स्यूला छं  
स्यूला ... ।

फुकं- मस्यु ।



जनक- उँकिला धइगु ।

हरि- थ्व ला तःधंगु अन्याय खः नि, थ्व ला मज्यू नि ।

धर्मेन्द्र- अं—

कृष्ण- व्छालुक बछि लँ

जनक- हाले मते... थन गज्यःगु खँ जुयाचवन स्यूगु मखु, ह्याः यानाचवनी ।

धर्मेन्द्र- ठीला मथ्याःपि कार्यापि थे धकाः जुल ।

शंकर- जु... जु... जुल । थ्व ला अन्याः हे खः ।

राम- आः छु यायेगु लय् कीसं ?

शंकर- जु... जु... जुलुस पिकायेगु मजौला ।

हरि- ज्वना यँकीका जुलुस पिकाल कि । अबुया ब्याहा स्वये धातले पुलिसया ब्याहा स्वये माली का । ज्वना मयँकी हे मखु । लंगुरबुर्जा हितल धकाः ला ज्वने छाःपिसं, मखुला, जुलुस वलकि मज्वनीला ।

धर्मेन्द्र- एवे सा ज्वन का ।

कृष्ण- ज्वंसा ज्वनका का कीसं नं जुलुस पिकायेगु । पुष १ गते खंला गन गन गामय् चवंपिला यन थयंक जुलुस वः धासेलि भी जक जुलुस वने मज्यूला ।

राम- इमित ला ध्यबा बियाः हःगु का । अथे वइला नत्र ईपि । मोटरय् तयाः मुं का हःगु का इमित, छं छु स्यू ।

कृष्ण- जि नं स्यू छं जक छु स्यू । जिमि बाःयात जुलुसय् मवलकि जागीर खोसय् याइ धाःगुनि । उँक ला ह्याःसां न्ह्याःसां वनीगु नि ।

शंकर- उँक ला धइगु ह्याःसां ह्याःसां ला जु... जु... जुलुस वनी धासेलि, की जु... जु... जुलुस वने मज्यूला !

जनक- ज्यू ज्यू का जुलुस हे वनेगु की नं ।

राम- जुलुस वनेत हाले नं माः, स्यूला छं । छु धकाः हालेगु लय् की ?

शंकर- कीगु मांग पुरा जुइमाः धायेगु का ।

हरि- कीगु मांग छु धायेगु लय् ?

जनक- कीगु मांग जि दयेका बी का । छहस्यो च्व का ।

धर्मेन्द्र- जि च्वय् जि च्वय् का धया हचि । (चुरोट बट्टाया च्वं माला हयाः सिसाकलम ह्मिचां पिकाइ) का बुलुहुं धया हचि ।

जनक- का ह्मापालाक च्व- अबुया ब्याहलय् जन्तुत वने दयेमाः ।

हरि- मौजल मजिल । की जन्तु मखुनि अथे धायेत । लँस्वः वने दयेमाः धायेगु का । का च्व जि धया बी- अबुया ब्याः बलय् लँ स्वः वने दयेमाः ।

जिमिगु मांग पुरा जुइमाः ।

जनक- आः मेगु च्व वथाय् च्वंगु बेलून पुइ दयेमाः ।

धर्मेन्द्र- आसे आसे... (चवं चवं) पुइ दयेमाः । का जिल ।

जनक- बाबुराः दाइचा मुर्दावाद ।

धर्मेन्द्र- (च्वच्वं) मुर्दावाद । हानं मेगु धया हचिका ।

जनक- मेगु छु । उलि हे ला खःनि ।

फुकं- मगाःनि मगाःनि मेगु नं च्वये मानि ।

जनक- जिके ला मेगु मवल । उखुनु इस्कूलय् छु छु मांग तःगु व फुकं तया बी कि मखुसा ।

राम- इस्कूलयागु इस्कूलय् हे जुल का । थन ला त्वालय् यागु मांग जक च्वयेगु का ।

धर्मेन्द्र- जि के छगू वल, च्वये ला जि ।

फुकं- च्व च्व का ।

धर्मेन्द्र- अं...

कृष्ण- व्छालुक बछि त्वं ।

धर्मेन्द्र- स्व न्ह्याबले अथे धयाचवनी खःला छं, जि नं धया बी अले ।



राम- स्वाःल स्वाःल सुम्क च्वे, माग हे च्वये मगाःनि  
त्वाना च्वनी । धर्मेन्द्रचा स्वाःल च्व ।

धर्मेन्द्र- अं.....

कृष्ण- व्छाल .....

धर्मेन्द्र- अज खःला ?

कृष्ण- मखु मखु, च्व का ।

धर्मेन्द्र- ( च्वया यंकी ) लैय् फूटबल हिते दयेमाः ।

फुक- ज्यू ज्यू । लैय् फूटबल हिते दयेमाः । घमाघम  
च्व घमाघम ।

धर्मेन्द्र- धया हचिरे का, छु छु च्वयेगु ।

कृष्ण- छगू जि धाये लंगुरबुर्जा हितेबलय् ज्वने  
दइमखु ।

फुक- जिमिगु माग पुरा जुइमाः ।

धर्मेन्द्र- ( च्वच्वं ) हाले मते रे जि च्वहे ला मच्व-  
यानि । लंगुर.....बुर्जा... हितेबलय् ज्वने दइमखु ।  
मखुला ।

शंकर- खः खः । ज्वने दइमखु । मखुसा सोल्टी  
हितूपिन्त नं ज्वने माः ।

धर्मेन्द्र- का मेगु ? ( फुकं बिचाः यानाच्वनी )

राजेन्द्र- मस्तय्त पाकेट खर्च ह्नि फिर्का दये हे माः ।

फुक- बांलाः बांलाः । पाकेट खर्च ह्नि फिर्का दये हे  
माः । दये हे माः ।

धर्मेन्द्र- दये हे माः छकः जक च्वयेगु लाकि निकः  
च्वयेगु ?

फुक- फिकः च्वयेगु फिकः ।

धर्मेन्द्र- का च्वल का । छकः, निकः स्वकः... । आः  
गात ला ।

राजेन्द्र- मगाःनि मगाःनि नीह्लय्गु खाके माः ।

धर्मेन्द्र- धया हचिसा ।

राजेन्द्र- इस्कूलय् ह्नि ह्नि बिदा जुइमाः ।

शंकर- खः खः इस्कूलय् ह्नि ह्नि बिदा जुइमाः ।  
( धर्मेन्द्र च्वये त्यनीबलय् )

राम- मजिल मजिल थ्व ला मजिल ।

राजेन्द्र- छाय् मजिल ? मापि बाःपि बाज्यापि बजेपि  
सुं हे इस्कूलय् वने स्वाः की जक वनीला ? की नं वनी  
मखु । उखुनु स्कूलय् भाषण याः वःभ्हेस्यां धाःगु मताःला,  
फुकं बराबर जुइमाः । की नं मां बी थें हे बराबर जुइमाः ।  
च्व च्व थ्व नं च्वयेमाः ।

कृष्ण- मज्यू मज्यू । इस्कूलय् ब्वं मवनकि की फुकं  
ज्यापु जुइका ।

राजेन्द्र- ज्यापु जूसा फन ज्यू । काउले छश्वाः  
मिलकि फिल्म छकः स्वः वनेत गाः । लतमाचिया गज्यःगु  
मोज मखंला । उखुनु तितियलय् भाषण न्यं मवनाला !  
कम्प्युनिष्ट पार्टी वलकि किसानतय् सरकार वइ हें ।

शंकर- अय्सा ज्यू का का । किसान एकता अमर  
जुइमा धायेगु कीसं नं सरकार दयेकेगु । जि प्रधान मन्त्री  
जुइ, छिपि फुक मन्त्री ।

राम- ना छ प्रधानमन्त्री जूसा का, की प्रधान मन्त्री  
जुइका ।

जनक- कीगु माग पुरा जुइगु ला गन गन, प्रधानमन्त्री  
जुइगु खंय् नि त्वाना च्वनेमाः ।

शंकर- कीगु माग तुरुन्त पुरा जुइ । जु.....जु.....जुलुस  
नि पिकाये माःका ह्तापां ।

जनक- पिकासा नु जुलुस वने नु ।

शंकर- नु का वनेगु ला खःनि । जि जिमिगु माग  
धाये खला छिमिसं पुरा जुइमा धा ।

फुक- का धालका नु ।

कृष्ण- पुलिस वलकि छु यायेगु लय् ?

शंकर- अप्पां कयेका च्वयेगु का ।

धर्मेन्द्र- मखु मखु गुच्चां कयेका च्वयेगु ।



शंकर- ज्यू ज्यू आम नं ज्यू । का छिपि तसकं हा  
हैं ! (जुलुस न्हाइ)

शंकर- जिमिगु माग—

सकले (तसलं) पुरा जुइमा ।

शंकर- जिमिगु माग.....

सकले- (कन तसलं) पुरा जुइमा ।

शंकर- अबुया ब्या: बलय्

सकले- लँस्व: वने दयेमा,

शंकर- ववथाय् च्वंगु बेलून...

सकले- पुइ दयेमा: ।

शंकर- बाबुरा: दाइचा

सकले- मुर्दाबाद

शंकर- पाकेट खर्च...

सकले- ह्नि फिर्का दये हे मा:, दयेहे मा: दये हे मा:  
दये हे मा:.....

शंकर- लँय् फूटबल

सकले- ह्निते दयेमा: ।

शंकर- इस्कूलय् ह्निह्नि

सकले- विरा जुइमा: ।

शंकर- (जोशं) इस्कूलय् ह्नि ह्नि.....

सकले- (तसलं) विरा जुइमा: ।

शंकर- जिमिगु माग (ह्ला: ववयेके फक्व ववयेका:,

स: तस: बाये फक्व यानो:)

सकले- पुरा जुइमा: (उलि हे जोश व तसलं)

शंकर- जिमिगु माग पुरा जुइमा: ।

शंकर- (हानं जोशं) विद्यार्थी एकता... (सुं हाली  
मखु ।

कृष्ण- थव छाय् थव, थव हालेगु मखु ।

शंकर- किसान एकता..... (फुकं सुम्क)

कृष्ण- थव नं हालेगु मखुनि । ह्लापलीक कोगु माग

नि पुरा जुइमा:

शंकर- जिमिगु माग...

सकले- पुरा जुइमा: । (थुबलय् हे बाबुराज् हानं  
खने दयेक: वइ, मस्त ह्जारर बिसिवनी, भचा वना: दी,  
लिफ: स्वइ)

राम- बाउराज दाइ.....

सकले- मुर्दाबाद

(बाबुराज् न्हा चिलेत स्वइ, मस्त कन कन हाला  
हइ )

बाबुराज्- थन वा:, छिपि

मस्त- छ थन वारे

बाबुराज्- (तं पिकया: वनेत स्वइ, मस्तसें थ:थ:गु  
म्हिचां गुच्चा लिकया कयेका: हइ) छ्यं तछ्याना बी  
छिमिगु, वदमासत (धाधां हे गुच्चा छगलं थ:गु हे  
छ्यनय् लाइ) आथ्या... ह्लातं छ्यनय् कसिक (तयातइ)

मस्त- वाउरा: दाइ मुर्दाबाद

जिमिगु बेलून लित वयेमा:,

जिमिगु बेलून पुइ दयेमा: ।

जिमिगु माग पुरा जुइमा: ।

(बाबुराज् कायल जुया: बुलुहुं लिहां वनी)

धर्कि

ल्याय् म्ह पुच:या गुंगुगु प्रकाशन

सछिकू ख्यालिया छपुच:

भौयात धौ पासा

गुन्हुपुह्लिया लसताय् पिदन ।

सू ११५०

(११)





व्यङ्गात्मक वाखं

## व छु खः !

— हरिशंकर परसाई

सुथय् वयागु मृत्यु जुल ।

व आइतवारकुन्हु विदाया दिनय् सित । वा वयाच्वंगु दु, तर व छः चकंकुन्हु सित । व सुथय् सित, अले जिमिसं तिल्लिनया दुने सी मुडका । बहनी सीगु सा चर्च्छि छने मखनीगु, लिस्सें मिस्त चर्च्छि खवया चवनेमालीगु खः । श्व तकलीफ वं मय्यू । व हर्टफेल जुयाः छक्कलं सित । सुयातं वया सुसाःकुसाः यायेगु खास तकलीफ मजुल । शनिवारकुन्हु तलब कयाः काजक्रियाया खर्च त्वःताः व सित ।

व गुकथं स्वात उकथंहे सित ।

सन्ध्या इलय् वार्दली चवनाः जि वयाहे बारेय् बिचाः यानाचवना । दथु दथुइ वया छेपाखे वःगु ख्वःसाः ताये दयाचवन । दिपाः विपाः कयाः ख्वयेगु यानाचवन । बिचाः फयेत सुं वयेवं ख्वयेगु ज्यां पाः काइगु जुयाचवन । कथंमहंगु यक्व यक्व खेत जितः लुमंसे वइ ।

जिगु वार्दलि वयागु स्वाहाने खनेदु । जि वयात स्वाहाने थहांक्वहां जुइगु खं । व तसकंहे नायिक पलाः छिनाः बुलुहुं बुलुहुं स्वाहाने थहांक्वहां जुयाचवनी, थुकथं कि स्वाहानेय् न्याक्क न्हइ थम्वाःलेमा, धक्का मलाये थमा ।

व थःगुहे छेय् खुं थें दुहांवनी । वं स्वाहानेयाके माफी पवंपवं थथे धयाच्वंगु थें च्वं— 'माफ या, जि छं छःने पलाः छीमाः । तर श्व जिगु विवशता खः । छेय् ला जि वनेहे माः ।'

थाय् चीकू । स्वाहानेयाथाय् गुबलें गुबलें साइकलत दिकातइ । वं गुगुं साइकल चीकाः लें छिकीमखु । स्वयेद्यानाः, फहिलाः, क्वछुछुं साइकलया दथुं व थुकथं पिहांवनी कि गुगुं साइकलयात थितकं थोमखु वं ।

जि वार्दली च्वंचवनकि वं नमस्ते याइ । बुलुहुं छपा ल्हाः बच्छि च्वय् ल्हनाः अले सापहे चीसलं 'नमस्ते' धाइ । पूर्वक 'नमस्ते' नं धाइमखु । वं ल्हापांगु त्वाथलय् पलाः छितकि जक जि वयागु ल्हाः क्वहांवंगु खनी अले सिर्फं 'ते' छगः तायेदइ । वं फुंइके साथ निपां ल्हाः च्वय् ल्हनाः पूर्वक 'नमस्ते' धाइमखु । जितः थारा न्हइकाः याकनं याकनं ल्हाः ल्हनं के मयः वया । वं जितः थुगु तकलीफं बचय् याइ । वया श्व अभिवादन क्षमा याचना नापं जुइ । नमस्ते I am sorry । गुबलें गुबलें जि न्हापां तसलं 'नमस्ते' यानाबिलकि (धयाबिलकि ! ) व थारा न्हइ । पलख स्थितियात थुइकाः हाकनं वहे बच्छि ल्हाः ल्हनाः स्वाहानेय् पलाः ततं 'स्ते' धाधां व थहांवनी ।

व जिनाप नं च्वं वः । खल्लाबल्हाय् वं न्हाबले न्हागुं खं न्ये । वं सुयां बारेय् छुं बिचाः याहे मयाः (छुं धारणा हे मदयेकू)— बांलाःगु नं, बांमलाःगु नं । सुनानं— 'फलाना मनू तसकं स्वार्थी धाःसा वं तीसकं' धाइ— 'सकलें स्वार्थी जुइ छि ।' सुनानं— 'व मनू तसकं मर्मि' धाःसा वहे मर्मिह्य मनूया सफाइ बोथे वं धाइ— 'सकलें हे मर्मि छि ।'

अ, व भुजिया विषयया खं लुमंसेवल । व जिनापसं



चवंचवंगु । भुजित भुइइइं हालाचवन । जि अखवार न्याक्क  
न्याक्क संकाः भुजि ख्यानाचवना । जि धया- 'तसकं  
भुजि दाल ।' वं धाल- 'वा वयाचवंगुलि का ।' जि खन,  
-वया न्हासय् निहा भुजि जुनाचवन, तर वं ख्यानामछवः ।  
ताउजायेकाः वं ल्हाः ल्हन, अले तीसकं भुजि  
ख्यानाछवत । वं भुजियाके क्षमा याचना यानाः थये  
धयाचवंगुथे चवं 'माफ या, छंत तकलीफ बीगु जिगु बिचाः  
मखु । तर छ जिगु न्हासय् जुनाचवन । भतिचा उखेर  
वयाहुं । न्हाःला हाकनं चवंवा । ह्याय् छंगुहे खः.....'

हाकनं लुमंसे बल । छन्हु सन्ध्या इलय् मत (विजुली)  
सित । खिउंसे चवन । जि भैनमत च्याकाः चवंचवना । व  
वयाः फयतुत । जि धया- 'मत सित ।' वं धाल- 'खः  
छि, खिउंसे चवन ।' जि धया- 'जि हा सुख मडु । छि  
वर्मा साहेवया थासं फोन यानादिसं । याकनं मत च्याइ ।'  
वं धाल- 'च्याइ नि छि, सकसिथासं खिउं ला खःनि ।' व  
मवं । मचालंकाः जि वयात हाकनं धयाबलय् वं वहे  
लिसः बिल- 'सकसिथासं खिउं ला खःनि छि ।'

जि थुइके मफत, सकसिथासं खिउंइव वइथाय् गये  
तुयिइ ! श्व गुकथंया सन्तोष खः ? गुकथंया सहनशीलता  
खः ?

थज्याःगुहे छुं उबलय् जुल गुबलय् साप वा बल ।  
जिपि पिहां जुइगु लंपुइ लः मुनाः ध्याचः जुल । तुति नं लं  
नं ध्याचः ध्याचः जुइगु । वं धाइ- 'थन साप हे ध्याचः  
जुल । तसकं मछि ।' जि धया- 'अन त्वहं व अप्पा  
छपानिपा तयेकादिसं ।' वं धाल- 'छु याये, सकसितं  
मछि छि ।'

गजबहा मनु खः व । छुं कुतः मडु । छुं असन्तोष  
मडु । छुं प्रतिरोध मडु ।

छन्हु व पिने दुहांवयाः जिनापं फयतुत । धाल- 'जितः  
ला जःलाखःलाया (नापसं चवंहसिया) खिचां न्यात

छि ।'

जि न्यना- 'गुथाय्लावक ?'

वं धाल- 'जि वयाचवनाबलय् खिचां तिप्पा नकल ।  
वं तुती वांन्यात । सन्तोषया खं श्वहे कि वया वां तुती  
मथ्यू । तर वं धोती खुनाबिल । उछु स्वयादिसं ।'

जि धया- 'व खिचाया बारैय् यक्व बांमलाःगु खं दु ।  
छि 'पुलिसय् (थानाय् ! ) रिपोर्ट यानादिसं ।'

वया शान्तगु लिसः खः- 'रिपोर्ट यानाः छु यायेगु ?  
न्हाहा खिचां नं न्याः ।'

खिचायात माफ यानाबिल ।

जि धया- 'तर छिगु धोती ला गुत । छि खिचा  
थुवाःयात ध्यवा (हर्जाना) पुइकादिसं ।'

शान्तिपूर्वक वं धाल- 'न्हाहोसितं खिचां न्याः छि ।'

छन्हु सन्ध्या इलय् वया न्हाय् लिबाक्कतक छेय्  
दुहांमवः । वया मां दिक्क चायाचवन । खिउंसे चवंसैलि  
कलाःह्यं वयात धाल- 'वयात माःहुं । खिउंइ धुकल ।  
जमाना बांमलाः ।'

वं धाल- 'जमाना ला सकसितं बांमलाः ताः ।'

व जिनापहे चवंचवन ।

मचालंकाः न्हाय्हा बल । जि बिचाः याना, श्व  
वयात गनी (व्वबी) । व स्वाहाने गयाचवंबलय् वं  
धाल- 'बेबी, छं तसकं हायेकल ।'

हाकनं वयात चवन कि भचा अप्वः जुल । अले धाल-  
'न्हाहा मस्तसें नं हायेकू ।'

जितः लुमंसे वइ ।

चुनाव जुयाचवंगु । जिपि निभ्ह स्वम्ह जःलाखःलात  
चवंचवनागु । पार्टीत अले चुनावय् दंपिनि बारैय् खं  
जुयाचवन ।

छम्ह धाल- 'थुगुसी ला जनता पार्टी त्याइ ।'

(४७)

(५१)



मेम्हं धाल- 'मखु जि स्वयेला हाकनं कांग्रेस हे त्याइ ।'

जि वयाके न्यना- 'छिगु छु बिचाः दु ?'

वं धाल- 'स्वयादिसं, निम्ह त्वातकि छम्ह त्याहे त्याइ ।'

छम्हं बः बियाः न्यन- 'तर छितः गुगु पाटीं यः ?'

वं धाल- 'थःत ला निगुलि बांलाः ।'

जि न्यना- 'तर छि सुयात भोट बियादी ?'

वं धाल- 'जि ला भोट हे ब्यू वनेमखु ।'

जि न्यना- 'आय् ?'

वया लिसः खः- 'सकसियां भोट कुहे कुर्की । जिगु (भोट) छाय् माःगु दु !'

छम्ह जःलाखःलां धाल- 'अयसा छिगु लागि न्ह्याम्ह सरकार वःसां ज्यू !'

वं धाल- 'खः न्ह्याम्हं सरकार उत्थेहे जुइ ।'

थज्याःगु हे वया भावाभिव्यक्ति उबलय् पिज्वल गुबलय् महंगी-भत्ताया खँ कयाः कर्मचारीतय् दथुइ असन्तोष जुयाचवन ।

जि धया- 'न्यना-सरकारं महंगी भत्ताया किस्ता मव्यू । छिकपिसं छु याना मदिया ला ?'

वं धाल- 'बोम्ह ला सरकार खः छि । की ला काइपि । गुबलय् सरकारं बो, उबलय् काये ।'

छुं ह्मि लिपा थुगु मांगयात कयाः हडतालया घोषणा जुल ।

जि धया- 'कल्लय् छियाय् हडताल जुइ । छि ला ज्याय् भाइमखु ।'

वं धाल- 'जि ला वने ।'

जि न्यना- 'छि हडताल याये मखुला ?'

वं धाल- 'सकसियां हडताल याहे याइ । जि छम्हेसियां मयायेवं छु स्यनी !'

वं सुथय् सित ।

सी न्हः वयाके भचा होस वल । मिखा कन । जवखवं स्वत । नवात- 'छुं खँ मदु । सकले सीमाः ।'

अले व धायेर्मय् सित ।

वया बारेय् गुलिखेय् खँ लुमंसे वयाचवन । गज्याःम्ह मनु व । गुबले प्रतिरोध मयाः । गुगु अस्वीकार मयाः । सी तकं म्हाः मधाः । गर्बं गुबले दंतकं मदं । स्वात्यांचवंम्ह मनु । अज्याःम्ह मनु, गुम्हेसिया न्हःने च्याताचवंगु मूस्याः यंकूसां सिनावनी ।

जितां प जःलाखःलाया पासा छम्ह वयाः पयतूवल । वं सीम्हेसिया बारेय् खँ त्हानाचवन ।

वं धाल- 'भाई, अज्याःम्ह मनु लुइके थाकुइ । जि ला धाये- व सन्त खः । छिगु छु बिचाः ?'

जि छुं मधया ।

पासां धाल- 'सन्त हे खः व । वं सुयातं मस्यंकू (सुयागु) नोक्सान मयाः ।

जि धया- 'सुयातं मस्यंकू, थुलि जुइवं मनु मिम्ह जुइला ?'

पासां धाधां यन- 'वं सुयातं तुगलय् मस्याकू ।'

जि धया- 'सुयातं तुगलय् मस्याकू, थुकि यानाः मनु मिम्ह जुइला ?'

पासां न्यन- 'अयसा छु खः ले व ?'

जि धया- 'छुं धाये मफु !'

वं न्यन- 'अयसा छु खः व ?'

जि अयसां छुं मधया । जि छुं क्वःछी मफइचवन ।

वं पासां न्यनां चवन- 'धा रे, छु खः व ?'

जितः चवन- जिगु तुती नायूगु चीजं धवत ।

जि तुति थाथा याना ।

दम्बि ह्मथ्यंक वन ।

वं पासां थव खनाः न्यन- 'छाय् छु खः ?'

जि धया- 'छुं मखु । दम्बि+ का ।'

(डा. महीप सिंह संपादन यानादीगु 'श्रेष्ठ हिन्दी कहानियां १९७७' सफुति अनुदित)

- अनु. भूषणप्रसाद श्रेष्ठ

+ 'दम्बि' मिसा-मिजं मरुम्ह जीवात्मा खः । यन 'दम्बि' या लाक्षणिक अर्थ नपुंसक खः ।



## संसारया श्रृष्टि-

### छगू न्हगू थिसिस

डा. काशीलाल तन्मोट

संसारया श्रृष्टिवारे थोंतक अनेक धर्म ग्रन्थय न्ह्यथ-  
नातःगु खँ व वैज्ञानिक धाःपिसं अनुमान प्रमाणया आधा-  
रय धाःगु खँ थःगु चितय मत्वयाः थगुने जि व्यक्तिगत  
थःगुहे सर्वेयात छात्रवृत्ति भाःपाः अनुसन्धान यानागु खः ।  
उकिया लिचवः थों थ्याक्क दछि लिपा थ्व चिच्छाहाकःगु  
थिसिस कथं सकसियां न्ह्याःने फुड्केसाथ तया च्वना ।  
तसकं लिमलाः फमलाः यानागु जूगुलि थुकी छुं द्वं बिद्वं  
दःसा छथाय् मुंका तया दिसँ, जि छिकपिन्याय् क्वथाय्  
क्वथाय् वयाः मुंका वये ।

आः स्वयादिसँ, थ्व संसारया धातर्थे हे श्रृष्टि गुकयं  
जुल !

#### थिसिस

१. १. पृथ्वी गोल्लाः घयागु खँ शुरुं निसँ सत्य मखु  
थ्व आः वया लिपा सत्य जू वःगु खः । थुकिनात उदा-  
हरण कथं सबूद प्रमाण माःसा मोमोचा पसलय् वनाः  
स्वः भाये फु । गथे धाःसां मोमोचा गोल्लाः खः तर  
श्रृष्टि जुसांनिसँ हे गोल्लाःगु मखु । मोमोचा गोल्लाय्  
न्ह्याः बुंया चा पतिमति चिन । अनं वळ सये न्ह्याः वळमाया  
आकार वामा थें ताहा जुल । वळ सल । वळ न गोमलानि  
ग्वाराजक चिन । व वळयात कयलाः छुचुं दयेकबलय्  
चुचुं जुल । छुचुनय् लः ल्वाकछ्यानाः ह्यापां लः बछि  
छुचुं वछि जुल । अनं छुचुं ह्या ह्यां यंकबलय् थ्व न्ह्यागु  
नं आकार काये फइगु जुल । थ्व संक्रमण कालय् मोमो-  
चिया भविष्यया आकार सुनानं तिपयाये फुगु मखुनि ।

यक्व यक्व दं ह्याया चीन घकाः आः नां जुया वःगु  
छगू देशय् छहा मनुखं छगू इलय् ह्यायातःगु छुचुं कयाः  
पतिमति चिक चाकलाकल । गुगुं इलय् पृथ्वी नं थुकथं  
हे चाकमक लानाः पतिमति चि घइगु खं बांलाक लुमंका  
तयादिसँ ।

वयां नं हानं सलंसः दं लिपा वहे चिनियाया सन्तानं  
छस्हेस्यां छुचुं पायात ग्वारा चिकल । तर दुने फुस्कुलु  
जूगुलि हानं पतितुं चिना वन ।

वयां नं यक्व यक्व देलिया मेहा मिसाहा छहा  
चिनियां व छुचुंपाया दुनै ला छकू स्वथनाः मना ब्यबलय्  
गोल्लाःगु मोमोचिया सृष्टि जुल । थुकथं जावा म्हुतुइ  
क्वाल्पाक्क न्ह्यांगु छगः- मोमोचा गोल्लायेत हे थपाय्  
मछि हाकःगु इतिहास पुइके माःसा थ्व थपाय् मछि ग्वःगु  
पृथ्वी गोल्लायेत गुलि ई काल जुइ, गपाय्हाकः इतिहास  
जुल जुइ छिकपिसं हे बिचाः याना दिसँ, थन च्वयां साध्य  
मजू ।

२:२, पृथ्वी सृष्टि जुइ धुंकाः तिनि संसार सृष्टि  
जुल धायेगु सरासर गलत खः । धातर्थे ह्यापालाक संसार  
नि सृष्टि जुल । थ्व ह्यापालाक पत्याः यायेमाःगु खँ  
जुल ।

संसारया अर्थ खः सनाः सार यायेगु । सने मसःतले  
संसारया सृष्टि जूगु भाःपे मज्यू । संसारया सृष्टि जुइ  
न्ह्याः ह्यापां सिमा नि थ्व ब्रह्माण्डय् दत । सिमा घइगु  
शब्दया अर्थ तसकं व्यापक जू । थ्वहे सृष्टिया मूल आधार  
खः ।

सिमाया अर्थ सिंया मा जक मखु मिसा आदि फुक  
स्त्रीलिंगी धातु नं खः । आखः थुखे उखे जुयाः शब्द पाः  
थें च्वंसां मूल अर्थ वहे तुं पिहां वइ, थ्व शब्दया विशेषता  
थ्व खः । उकिं जि लुइकागु खँ छु धाःसां ह्यापां थ्व  
ब्रह्माण्डय् छताहे जक “सिमा” घइगु वस्तु श्रृष्टि जुल



# खँ छता कने यःसा मरि छपा चुँइ

# थथे नं जुइतिनि अथे नं जुइतिनि

छगू देशय् छम्ह मनु दु वया काय् सछिम्ह, म्हाय्  
बासःम्ह दु । जुजुं जुजुं वया सन्तान छम्ह हे मदया वन ।

गय् धकाः छम्ह डाक्टरं न्यनं व मस्त छम्ह हे थः  
कलाःपाखे दुपि मखु हँ फुकक लाखय थः अबु धायेसाःपि  
म्हाय थः सां लिनाः वन हँ ।

छन्हु चाह्य् छछा छेय् ख्याः छम्ह वन हँ ।

ख्याः खनाः सग्याःम्ह छेय् थुयाः वनाः बोलय् स्वः  
वनं व ख्याःला भौचिया रूप कयाः जासिया दुने छयं  
लिकाये मफयेकाः इतः मतः कयाचन हँ ।

उखुनु येय् बहनी गोलि कय्कबलय् छम्ह मनुयात  
थज्याःथाय् गोलि लात हँ कि गोलि ला दुहां वं नं सी मदु  
पिहां वं नं सी मदु हँ । धाइव मनु आः नं व गोलि यान्तां  
प्यान्तां घानाः न्हू सतक चाःहिला च्वंगु दु ।

बिलायतय् छकः छम्ह नेपालीं महारानी एलिजाबेथया  
दर्शन याये खंगु जुयाचन । वया मती महारानीया भाःत  
महाराजा जुइ धकाः च्वंगु तर वला बाउचा धकाः जुया  
चन ।

अले उकिया तःगू रूपय् विकास जुइव संसारया सृष्टि  
जुल ।

ह्लापां सिमा सल, उकिया हः दत । हः हायाः वय्  
धवगीव नालं की दाःथे मनु दाया वल । वहे धचायापुथासं  
वातावाता दायाः पिहां वःह्य मनु छि नं छह्य खः । छि  
थे जाःपि यक्व मनुत दयेव थ्व पृथ्वी हे छगू संसार जुया  
वल गुगु आःतकं वालःसां बांसलाःसां थन दहे दनि ।

सन्दर्भ सूचीः —

१. स्वर्ग व नरक - रामशेखर
२. खःला मखुला - श्रीकृष्ण अणु

वर्ग विभाजन नेपालय् थुकथं जुइतिनि कि संखा-  
कीपि जक हे मन्त्री जुइ दइगु व्यवस्था जुइतिनि ।

सडक कविता कान्ति थुलि चर्कय् जुइतिनि थन कि  
नेपालीत फुक हे महाकवि जुया वइतिनि ।

कृषि विकास जुजुं आलु वइगु थपाय् ग्वयेक सइतिनि  
कि छगः आलु मनुया जन्मकाःछि नयेत गाइतिनि ।

थ्व संसारय् थपाय्सकं तान्वया वइतिनि कि मनुया  
चःति खुसिबाः वइतिनि ।

मिस्तय् फेसन थुलि तच्चया वइतिनि कि मिजंतय्  
कलाः छह्य लहीत हे भिगू जन्मया कमाइ उवनाः तिनि  
जन्म काः वये मालीतिनि ।

मौसमया भविष्यवाणी थुलि पाय्छिक याये कया-  
वइतिनि कि थुखुनु थुखुनु वा वइगु धकाः दछि न्ह्यः हे  
क्यालेण्डर दयेकाः पिकाये फइतिनि ।

३. लिसं - दुर्गालाल
४. The Eclipse - Dhoo swan Saymi
५. Fugitive Essays - K. P. Malla
६. फय्गं - सम्पादकः श्याम साय्मि
७. हय् खेय् धव्वा - सूर्य वहादुर पिवाः
८. मोयात धौ पासा - भूषणप्रसाद श्रेष्ठ
९. वछास - केदारमान व्यथित
१०. जुजु जय प्रकाश - भिक्षु सुदर्शन



थिकेगु अनुभव

श्रेष्ठ प्रभू

जि आमाःसि वयागु वास्केट् य् तथाबियागु गौरी  
 दाईन स्वयाच्वंगु जुयाचवन । वयकल--“छाय् तथाबियागु  
 छं ?” धाधां आमाःसि पिकयाः जितः बिल । शःगु वास्केट्  
 आमाःसि लिकाकां बियाच्वंगु खनाः व मनुखं खाः भचा

थौं-कह्यु नं सुयातं पीगु खं बलकि वा पीमालकि  
जि उबल्यु थें पाकः निमाया भाःत जुइ मालो धकाः  
ग्याइगु, अले हिले वइगु ।



